



ILLOQARFIUP ILAANUT PILERSAARUT
1A13-1 400-RTALLIP EQQAANI INISSIA-
QARFIK – OKTOBER 2002-MI ILUARSINEQARTOQ



NUUP KOMMUNEA

TEKNIKKIMUT AVATANGIISINULLU INGERLATSIVIK
MAJ 2003

| | |
|---|-----------|
| Ilitsersuut..... | 3 |
| NASSUIAAT | 4 |
| Iloqarfiup ilaanut pilersaarutip tunuliaqutaa..... | 4 |
| • Iloqarfiup ilaanut pilersaarusionorsioq..... | 4 |
| • Nuna..... | 4 |
| • Sanaartukkat atortulersuutillu | 4 |
| • Aqqusernit..... | 4 |
| Iloqarfiup ilaanut pilersaarutip siunertaa anguniagaalu..... | 4 |
| • Sanaartukkat..... | 4 |
| • Aqqusernit aamma biilit uninngasarfi..... | 4 |
| Pilersaarusionormut allamut attuumassuteqarnera | 4 |
| • Kommunitut pilersaarut | 5 |
| • Immikkoortortaq 1A13 | 5 |
| • Immikkoortortaq 1A9 | 5 |
| Teknikkikkut pilersuineq | 5 |
| Avatangiisinut tunngasut..... | 5 |
| • Imikoorut..... | 5 |
| • Eqqaavilerineq | 6 |
| Inatsisitigut atuuffii..... | 6 |
| • Inaarutaasumik inatsisitigut atuuffii..... | 6 |
| Oqallineq akuersissuteqarnerlu | 6 |
| AALAJANGERSAKKAT | 7 |
| §1 Iloqarfiup ilaanut pilersaarutip siunertaa | 7 |
| §2 Iloqarfiup ilaanut pilersaarusionorsioq agguataarneqarneralu..... | 7 |
| §3 Atorneqarfissaa | 7 |
| §4 Aqquserngit pisuinnaallu aqqutaat..... | 7 |
| §5 Sanaartukkat amerlassusaat inissisimaffiilu..... | 7 |
| §6 Sanaartukkat silataasa isikkui | 8 |
| §7 Teknikkikkut atortulersuutit..... | 8 |
| §8 Nunaminertat sanaartorfiunngitsut..... | 8 |
| §9 Avatangiisinut tunngasut..... | 8 |
| §10 Nutaamik sanaartukkat atulernissaannut piumasarisat..... | 9 |
| AKUERSISSUTEQARNEQ | 10 |
| Ilanngussaq 1, Immikkoortup killeqarfilernerana sanaartorfissallu | 11 |
| Ilanngussaq 2, Takussutissartai..... | 12 |

Saqqaa: copyright Asiaq, Misissueqqaarnerit, Grønlands Forundersøgelse

Ilitsersuut

Illoqarfiup ilaanut pilersaarummi nunaminertat, illut nutaat, pisuinnaat aqquaat, aqquasernit il.il. qanoq atorneqassanersut, inissinneqassanersut aammalu immikkoortortap aalajangersimasup iluani qanoq ilusilersorneqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalaajangersagartaqarluni, tassani ilitsersuutininik nassuiaatitaqarluni.

Nassuiaatini illoqarfiup ilaanut pilersaaruttip siunertaa anguniagaalu naatsumik oqaluttuarineqartarput, illoqarfiup ilaanut pilersaarusiortarfiusumi eqqaanilu pioreersut aammalu illoqarfiup ilaanut pilersaarut pilersaarutininut allanut qanoq attuumassuteqarnerisq.

Illoqarfiup ilaanut pilersaarusiortarfiusumi aalajangersakkat atuuttussaviupput. Assitai oqaasertaalu kipungasunik allatat atorlugit illoqarfiup ilaanut pilersaarusiortarfiusoq nassuiaateqarfiginiarneqarlunilu takussutissiiviginiarneqarpoq.

Nunaminertanik atuisarneq pillugu Inatsisartut peqqussutaat nr. 6, 19. december 1986-imeersoq, Inatsisartut peqqussutaanni nr. 1, 18. juni 1987-imeersukkut allannngortinneqartoq, nunaminertanik atuisarneq pilersaarusiortarnerlu pillugit aamma Nalunaarut nr. 23, 18. november 1992-imeersoq malillugit kommunalbestyrelsi illoqarfiup ilaanut pilersaarusiortussaatitaavoq:

- Kommunip pilersaarusiortarnerata piviusunngortinneqarnissaa qulakkeerniassallugu pisariartartinneqarpat.
- Angisuumik sanaartugassaq, atortulersuutit imaluunniit nunaminertamik tunniussinerit aallartinneqartinnagit.

Illoqarfiup ilaanut pilersaarusiortussaatitaanerup siunertaraa pilersaarusiortarnermi annertunerisumik ataqaatigiissaarisooqarnissaa innuttaasullu peqataatinneqarnissaat.

Taamaattumik illoqarfiup ilaanut pilersaarut sivikinnerpaamik sapaatit akunnerini arfinilinni tamanut saqqummiunneqassaaq. Taamaalereerpat Kommunalbestyrelsip naammagittaalliutit imaluunniit oqaaseqaatit allannguutissatullu siunnersuutit naliliiffigissavai, pilersaarut inaaru-taasumik akuersissutigineqartinnagu.

Illoqarfiup ilaanut pilersaaruttip inatsisitigut atuuffii illoqarfiup ilaanut pilersaarummi erseqqissumik allaaserineqarput.

NASSUIAAT

Illoqarfiup ilaanut pilersaarutip tunuliaqutaa

Nuummi inissaaleqinerup anigorniarnernan atattillugu, Kommunalbestyrelsip kissaati-gimmagu 400-rtallip quassuttaani inissianik 70-it miss. pisortat inissiaataannik Nuup Kommuneani sulisunut inissiaataattut qitiu-sumi inissisimasunik sanasoqarnissaanut periarfissiisoqassasoq.

Kommunalbestyrelsip juni 2002-mi aalajangerpaa illoqarfiup ilaanut pilersaarutip pigineqatigiilluni inissianut 55-it missaanniittunut allannortinneqarnissaa.

Illoqarfiup ilaanut pilersaaruseriorfiusoq

Illoqarfiup ilaanut pilersaarut kangimut 400-rtallimmik killilerneqarpoq, kujammumut Aqqusinersuarmik kimmullu Kongevejimi inissiaqarfimmik. Avannamut Fjeldvejimi illut killigitinneqarput.

Nuna

Immikkoortortamut ilaavoq Imeqarfimmiit Nuup qeqertaasartaata nuuata quassuttap ilaa. Illoqarfiup ilaanut pilersaaruseriorfiusoq qatsinersamiippoq 52 m miss. qatsitsigisumiilluni, tassangaanniit 20 m miss. kimmumut sivinganeqarluni. Kangimut kujammullu nuna Aqqusinersuup aamma 400-rtallip tungaannut sivingasuvoq qatsissuseq 34 miss.

Quassuttamiit kangimut isikkivigaa Qinngorput, avannamut kimmullu inissiaqarfiit kujammullu suliffeqarfiit.

Sanaartukkat atortulersuutillu

Illoqarfiup ilaanut pilersaaruseriorfiup iluani nerngallaap eqqannguani inissiaq, B-1085, marlunnik quleriilik inissisimavoq. Inissiaq portungaatsiartumik betonimik toqqaveqarpoq, nunami initoorujussuarmik, quleriillu qullersaat qisummik sanaajulluni. Illoqarfiup ilaanut pilersaarutip matumani B-1085-p najugaqarfittut atuutiinnarnissaa akornusinni-gilaa.

Illoqarfiup ilaanut pilersaarutip avannaata tungaani ilaqutariit illui siammasissut inissi-

simapput, kangiatali tungaani Innavinnguami inissiaqarpoq marlunnik quleriilinnik.

Aqqusernit

Aqqusinersuaq 400-rtalillu, illoqarfiup ilaanut pilersaarummik kujammumut kangimullu killeqarfiusut immikkoortortap kujataani nerngalakkut naapiffeqarput umiarsualiviup, Nuup qeqqanut Nuussuullu tungaanut angallannermik agguataarisoq.

Illoqarfiup ilaanut pilersaarutip siunertaa anguniagaalu

Illoqarfiup ilaanut pilersaarutip siunertaraa inissiaqarfimmik pilerinartumik sanasoqarnissaanut periarfissiinissaq, nunataa illuliorfissat atorluarlugu, nunamut naleqquttunngorsarlugu aamma illoqarfimmik nunamillu pissanganartunik periarfissalinnik isikkivimmillu atorluaasunik.

Sanaartukkat

Sanaartukkat nutaat uiguleriiaat marlunnik pingasunilluunniit quleriilittut quassuttaq aturlugu sananeqassapput. Inissialiat qisunnik gallerneqassapput, qaliaasalu qaavi pappialarsualersugaassallutik.

Immikkoortortami tamaani sanaartukkat ataatsimut isikkuisa naleqquttuunissaat qulakkearniarlugu, illoqarfiup ilaanut pilersaarummi sanaartorneqartussat ilusilersorneqarnissaanut atattillugu atortussat qalipaattillu pingaarnertut suut atorneqarsinnaanersut malittarisassiorneqarput.

Aqqusernit biilillu uninngasarfi

Immikkoortortap tungaanut Kongevej aqutigineqassaaq.

Najugalinnut tamaanngalu orniguttartussanut biilit uninngasarfissaannik naammattumik pilersitsisoqassaaq.

Pilersaaruseriornermut allamut attuumassuteqarneq


Kommunimut pilersaarut

Illoqarfiup ilaanut pilersaaruseriorfiusoq Kommunimut pilersaarummut Nuuk 1993-2005-mut ilaavoq.

Illoqarfiup ilaanut pilersaaruserfiusoq immikkoortortamut 1D1-mut ilaavoq, sanaartorfiunngitsut, Nuup Illoqarfiata ilaa immikkoortortaq 1A9, Tuujuk.

Immikkoortortap 1D1-ip iluani sanaartornissamut periarfissaqanngilaq. Taamaattumik Kommunimut pilersaarummut tapiliussaq nr. 21 suliarineqarpoq, illoqarfiup ilaanut pilersaaruserfiusumi immikkoortortap 1D1-ip iluata ilaaniittumut atasoq.


Immikkoortortaq nutaaq tassaalisaaq immikkoortortaq 1A13.



Immikkoortortap illoqarfimmuut naleqqiullugu inissimanera

Immikkoortortaq 1A13

Kommunimut pilersaarut oktober 2002-mi iluarsineqartoq Nuuk 1993 – 2005-mut tapiliussap nr. 21-p, immikkoortortaq nutaaq 1A13, 400-rtalik immikkoortippaa. Immikkoortortami nutaami inissianik eqimasunik pukkitsunillu inissialortoqarnissaa aalajangersarneqarpoq. Piginneqatigiilluni inissiat 55-it missaanniittut immikkoortortami sanaeqarsinnaapput.



Immikkoortortaq 1A13

Immikkoortortaq 1A9

Immikkoortortap 1A9-p iluani inissialioffissat atornerqarnissaa aalajangersarneqarpoq.

Immikkoortortami 1A9-mi, inissialioffissamut nutaamut taamaallaat aqqusinniortoqassaaq.

Teknikkikkut pilersuineq

Kuuffissualersuinissaq, imermut innaallagissamullu atassusiinissaq nunap iluatigut pissaq.

Avatangiisinut tunngasut

Imikoorut

Imikoorut kuuffissuarnut kuutsinneqartassaaq, imeq nunap qaavatigut kuuttoq tassunga ilanngullugu illup qaavinit imeq kuuttoq kuuffissuartigut kuutsinneqartassanngilaq, immikkoortortamili illunut allanut, pisuinnaat aqqu-taannut, aqqusinernut nunaminertanullu sanaartorfiunngitsunut akornutaanngitsumik kuutsinneqassalluni.

Eqqaavilerineq

Immikkoortortaq Nuup Kommuneata eqqaavilerinermut aqqissuussineranut ilaatinneqassaaq malittarisassat sukkulluunniit atuuttut malillugit.

Inatsisitigut atuuffii

Siunissami immikkoortortap ineriartortinneqarnissaa illoqarfiup ilaanut pilersaarummi malittarisassaliorneqarpoq. Taamaattumik aatsaat allannguuteqartoqartillugu pilersaarummi aalajangersakkat atuutilersinneqartassapput. Manna tikillugu akuerisaasumik ator-neqartut ingerlaannarsinnaapput - aamma allamik piginnittoqaleraluarpuunniit.

Inaarutaasumik inatsisitigut atuuffii

Illoqarfiup ilaanut pilersaarut Kommunalbestyrelsip inaarutaasumik akuerereerpagu tamanullu saqqummiunneqareerpat, nunaminertat, illut atortulersuutillu, illoqarfiup ilaanut pileraarusiorfiusumut attuumassuteqartut, taamaallaat atorluarneqarsinnaallutillu sanaartorfigineqarsinnaapput, illoqarfiup ilaanut pilersaarummi aalajangersakkanut naaper-tuuppata.

Kisianni pissutsini immikkut ittuni annikitsumik sanioqutitsisoqarsinnaavoq. Annertunerusumik sanioqutitsisoqassappat nutaamik illoqarfiup ilaanut pilersaarusiortoqarnissaa piumasqaataavoq.

Illoqarfiup ilaanut pilersaarummi nunaminertat, illut sanaartukkallu allat pineqartut pinn-gitsoorani pilersinneqarnissaat nassataqaritin-neqanngillaq.

Nunaminertat, illut atortulersuutillu maanakkut akuerisaasumik ator-neqarnerat ingerlaannassaaq, akerlianilli atuinermik allanngor-titsineq nutaanilluunniit sanaartornissaaq illo-qarfiup ilaanut pilersaarummut akerliussanngilaq.

Oqallinneq akuersissuteqarnerlu

Illoqarfiup ilaanut pilersarutitut siunnersuut 1A13-1, 400-rtallip eqqaani iniissiaqarfik oktober 2002-mi iluarsineqartoq tamanut oqallisissanngorlugu 3. juli 2002-miit 14. august 2002-mut saqqummiunneqarpoq.

Oqallinnerup nalaani oqaaseqaatinik akerli-liissutinillu pingaarutilinnik tigusaqartoqanngilaq.

Illoqarfiup ilaanut pilersaarut Kommunalbestyrelsip 28. oktober 2002-imi oqallisigaa

pilersaarullu tamanut saqqummiunneqarnera-nut naleqqiullugu pingaarutilimmik allanngor-tinnagu akuersissutigalugu.

AALAJANGERSAKKAT

Kommunalbestyrelsip matumuuna aalajangersakkat makku aalajangersarpai, nunaminertanik atuineq pilersarusiornerlu pillugit Inatsisartut peqqussutaat nr. 6, 19. december 1986-imeersoq Inatsisartut peqqussutaanni nr. 1, 18. juni 1987-imeersukkut allanngortinneqartoq aammalu nunaminertanik atuineq pilersarusiornerlu pillugit nalunaarut nr. 23, 18. november 1992-imeersoq kingusinerusukkut allannguutai ilanngullugit naapertorlugit.

§1 Illoqarfiup ilaanut pilersaarutip siunertaa

1.1 Illoqarfiup ilaanut pilersaarutip siunertaa:

- Inissiaqarfimmik inissianik 55-it miss. qitiusumi inissisimasunik piginneqatigiilluni inissianik sanasoqarnissaanut periarfissiinissaq;
- Pitsaasunik isumannaatsunillu angallaffisaqarnissaa qulakkiissallugu;
- Immikkoortortami najugallit aneertarfissaannik peqarnissaa qulakkiissallugu.

§2 Illoqarfiup ilaanut pilersarusiorfiusq agguataarneralu

2.1 Illoqarfiup ilaanut pilersaarut nunap assingani 1-imi 2-milu takutinneqartutut killeqafeqartinneqarpoq.

2.1 Immikkoortortaq 2,4 ha missaanik anertussuseqarpoq.

§3 Atorneqarnissaa

3.1 Immikkoortortaq inissiaqarfittut eqimasutut pukitsutullu atorneqartussatut aalajangersarneqarpoq.

3.2 Piginneqatigiilluni inissiat 55-it miss. sananeqarsinnaapput.

3.3 B-1085-ip akuerineqartumik pioreersumillu atorneqarnera maannakkutut ingerlatiinnarneqarsinnaavoq.

3.4 Immikkoortut inissianik sanaartorfissatut pilersinneqanngitsut aneertarfissatut

immikkoortinneqassapput sanaartorfiunatillu atortulersuutinik inissiiffiussanngillat.

3.5 Pinnguarnermili atortut inissinneqarsinnaapput, issiaviit, ikumalaartitsiviit, illuaqqat assigisaalluunniit immikkoortup aneerujoortarfiuneranut naleqquttut.

3.6 Illoqarfiup ilaanut pilersarusiorfiusup iluani pisiniarfiliortoqassanngilaq, atavartunik kaffisorniartarfiliortoqarani assigisaanilluunniit.

3.7 Immikkoortortap iluani containerinik eqqaavinnik inissiisoqarsinnaasariaqarpoq.

3.8 Illoqarfiup ilaanut pilersarusiorfiup iluani teknikkikkut pilersuiffinnut atortulersuutinik pilersitsisoqarsinnaavoq, inittussusaa isikkualu inissianut naleqquttuuppata.

§4 Aqquernit pisuinnaallu aqquataat

4.1 Immikkoortortaq nunap assingani 1-imi takutinneqartutut taamaallaat Kongevejimit tikinneqarsinnaavoq.

4.2 Nunap assingani 2-imi takutinneqartutut aqquernit pilersinneqassapput.

4.3 Aqquernit nunap assingani 2-imi takutinneqartutut 5,5 m-sut silitsigissapput, sinaat ilanngunnagit.

4.4 Inissiat pingasuugaangata biilit uningasarfii marluk minnerpaamik pilersinneqassapput.

4.5 Immikkoortortami aqquernit pisuinnaallu aqquataanni qulliit annerpaamik 3,5 m-sut portutigissapput.

§5 Inissialiat inittussusaat inissisimane-rallu

5.1 Inissiat sanaartorfissap iluanut inissinneqassapput, nunap assingani 1-imi takutinneqartutut.

5.2 Nutaamik sanaartukkat tunngaviatigut nunap assingani 2-mi takutinneqartutut inissinneqassapput.

- 5.3 Inissiat marlunnik pingasunilluunniit quleriillit sananeqassapput.
- 5.4 Quit assigisaallu inissialiornermut atattillugu sananeqassapput.
- 5.5 Illut qaliai 25°-nik sivingatigissapput.
- 5.6 Immikkoortortap iluani annikitsumik qaartiterisoqartarnissaa naatsorsuutigineqassaaq, inissiat taakkunungalu atorulersuutit, aqqusernit, biilit uninngasarfii pisuinnaallu aqquataat nalequttumik inissaqarniassammata.

§6 Inissiat silatimikkut isikkui

- 6.1 Illoqarfiup ilaanut pilersaaruseriorfiusup iluani inissialiat qalipaataat, ilusaat atoruilu eqqarsaatigalugit assigiissagaassapput.
- 6.2 Inissiat silataasa iigai qisunnik igalaanillu atortoqassapput.
- 6.3 Inissiat sananeqaataasa ilai annikinnerit zinkimik, aluminiumimik saviminermillu manngertorneq ajortumik assigisaanilluunniit atortoqarluni suliarineqarsinnaapput.
- 6.4 Inissiat qalipaatisaatut toqqakkat Kommunalbestyrelsimit akuerineqartassapput.
- 6.5 Inissiat qaliaasa qaavi qernertunik papialarsualersugaassapput.
- 6.6 Silaannarissarfiit, elevatorit, pujoorfiit assigisaallu inissianut atassapput imaluunniit inissiap sannaanut naleqquassarneqassallutik.

§7 Teknikkikkut atortulersuutit

- 7.1 Teknikkikkut atortulersuutit, soorlu kuuffissuit, innaallagissap aqqutai imermillu pilersuineq nunap iluatigut atortulersuutit atorlugit ikkussuunneqassapput.
- 7.2 Imaq nunap qaavatigut kuuttoq, kuuffissuartigut kuutsinneqassanngilaq, kussi-nertigulli kuutsinneqassalluni, illunut eqqaamiorisanut akornutaanngitsumik.

- 7.3 Imikoorut kuuffissuartigut kuutsinneqassaaq.
- 7.4 Nutaamik inissialiat innaallagissamoortunik kiassaasersugaassapput.
- 7.5 Parabol-antennit inissianut ikkuteqqusaanngillat.
- 7.6 Teknikkikkut atortulersuutit, innaallagissamik sakkortusaaviit assigisaallu, immikkoortortaq tamaat isigalugu takussanarsaataanatik, siunertaqarlumik inissinneqassapput.

Innaallagissamik sakkortusaaviup inissinneqarnissaa pillugu Nukissiofiit isumasioqatigineqassaaq.

§8 Nunaminertat sanaartorfiunngitsut

- 8.1 Sanaartornerup atortulersuutilersuinerullu nalaani nunap nalimmassarneratigut sapinngisamik nuna mianerineqassaaq.
- 8.2 Nuna nalimmassarneqareerpat avatangiisit inissialiornermut atortulersuutilersuinerullu attuumassuteqanngitsut nunagissaqqinneqartassapput, nunalu qaartiterinerlukuiarneqassaaq, qaartiterinermi assartuinermiluunniit siammaasinnaasunik.
- 8.3 Nunaminertat sanaartorfiunngitsut qallersorneqarneranni kusanartumik isikkulersinneqassapput imaluunniit nunap pissusaatut isikkoqalersinneqassallutik.
- 8.4 Nunaminertat sanaartorfiunngitsut sunilluunniit sivisuumik inissiiffissatut atorneqassanngillat, nunaminertaq siunertamut aqqissuunneqaranilu ungalulersorneqarsimanngippat.

§9 Avatangiisinut tunngasut

- 9.1 Immikkoortortami inissianik imaluunniit avatangiisinut mianernartunik allanik pilersitsisoqannginnerani, inuussutissarsiateqarfiit eqqaamiorisat illoqarfiup ilaanut pilersaaruseriorfiusumut killeqarfiliussat atuuttut malillugit innarliinnginnissaat uppernarsineqaaqassaaq.

**§10 Nutaamik inissialiat atulernissaannut
piumasarisat**

- 10.1 Nutaamik inissialiat, nuna sanaartorfigi-
saq nunagissarneqaqqaartinnagu atuler-
sinneqassanngillat, takuuk §8.2.
- 10.2 Nutaamik inissialiat kiassaataat innaal-
lagissamut attavilersorneqartinnagit a-
tuutilersinneqassanngillat.

AKUERSISSUTIGINEQARNERA

Matumuuna illoqarfiup ilaanut pilersaarut 1A13-1 400-rtallip eqqaani inissiaqarfik oktober 2002-mi iluarsineqartoq Nuup Kommuneani Kommunalbestyrelsimit 28. oktober 2002-mi akuerineqarpoq.

Nuup Kommunea ulloq

Agnethe Davidsen / Kim Hvistendahl
borgmesteri allaffimmi pisortaaneq

Tamanut nalunaarutigineqarpoq ulloq

Ilanngussaq 1, Immikkoortortami killeqarfiliussat sanaartorfissallu

Bilag 2, Takussutissaq